


**PROGRAM RADA JAVNE USTANOVE DOM KULTURE
„EDHEM MULABDIĆ“ MAGLAJ ZA 2019. GODINU**

NAZIV JAVNE USTANOVE	Javna ustanova Dom kulture "Edhem Mulabdić" Maglaj
PLANIRANE AKTIVNOSTI U OKVIRU REDOVNE DJELATNOSTI JAVNE USTANOVE	<p>U aktivnostima planiranim za realizaciju tokom 2019.godine je niz sadržaja a cilj nam je zastupanje svih oblika scenskog stvaralaštva (pozorišne predstave, koncerti, festivali, itd.)</p> <p>Filmska djelatnost : U dijelu koji se odnosi na filmsku djelatnost, nastavljamo sa prikazivanjem filmova .</p> <p>Galerijska djelatnost : Tokom 2019.godine u planu je organizovanje četiri likovne izložbe umjetnika iz Maglaja i drugih gradova BiH.</p> <p>Promocije : Dom kulture će i u 2019.godini nastaviti sa promocijama knjiženih, muzičkih i pozorišnih ostvarenja profesionalaca i amatera, kako iz Maglaja tako i izvan njega.</p> <p>Pozorišne predstave : U 2019.godini planiramo četiri pozorišne predstave, dvije za djecu i dvije za odrasle. Na pozorišnim daskama u Maglaju predstaviti će se, kao i prethodnih godina, profesionalci i amateri iz BiH i susjednih država.</p> <p>Amaterska djelatnost : Posebnu pažnju u dosadašnjem radu, Dom kulture je posvetio približavanju ove Ustanove mladim ljudima. Naši prostori korišteni su za pripremu pozorišnih komada osnovaca i srednjoškolaca. Ovdje naglašavamo da je u tom dijelu ostvarena dobra saradnja sa uposlenicima osnovnih i srednjih škola, što će biti praksa i u ovoj godini. Podsticati mlade da sami stvaraju i pokazuju šta i koliko mogu, najbolji je način da ih sklonimo sa ulice i njihovo slobodno vrijeme upotrijebimo na koristan način. Naša podrška u tome neće izostati ni u ovoj godini. Već dugi niz godina uspješno djeluje naša plesna sekcija i aerobik za žene.</p> <p>Obrazovanje odraslih: Dom kulture nastavlja i sa programima u oblasti obrazovanja odraslih. Program se ogleda kroz organizovanje kurseva za koje bude zainteresovanih kandidata. Isti će se organizovati na tržišnom principu.</p> <p>Sportska dvorana : Sportska dvorana, koja je takođe u sastavu Doma kulture će i u 2019.godini biti u funkciji : provođenja plana i programa tjelesnog odgoja za učenike, trenažnog procesa sportskih klubova, prvenstvenih i kup utakmica, organizaciju turnira, rekreaciju građana, te organizacije koncerata i drugih nesportskih sadržaja.</p> <p>Uzeirbegov konak : Uzeirbegov konak je Odlukom Vijeća dat na upotrebu Domu kulture na period od 10 godina. Taj period je u maju 2016.godine završen . Ukoliko se ponovo isti da na upotrebu Domu kulture i obzirom da je Konak doveden u kontekst turističke ponude, nastaviti će rad od 11-13h radnim danima, osim u zimskom periodu jer nije riješeno grijanje. I ove godine ćemo i van tog termina omogućiti kraće posjete i obilaske, kao i organizovanje sadržaja koji su primjereni autentičnosti ovog prostora. Zbog dotrajalosti objekta kao i očuvanja od daljeg propadanja neophodna su stalna ulaganja koja Dom kulture zajedno sa općinom Maglaj nastoji obezbijediti kandidovanjem projekata i vlastitim sredstvima shodno našim mogućnostima.</p>
PLANIRANI PROJEKTI	<p>Naziv projekta : „PROLJETNI DANI KULTURE –MAGLAJ 2019“</p> <p>Cilj projekta: da se maglajskoj publici od marta do jula mjeseca ponude vrhunski profesionalni kulturni sadržaji iz oblasti: pozorišta, filmske i likovne umjetnosti, književnosti, kao i pjesme, igre i sevdaha.</p>

	<p>Rezultati projekta: Kvalitetno zadovoljavanje duhovnih potreba kroz prezentaciju različitih kulturnih sadržaja. Raznolikost kulturnih dešavanja i obrazovanje građana na kulturno-umjetničkom planu.</p> <p>Naziv projekta :"ZAPIS O MAGLAJU - 2019"</p> <p>Cilj projekta: da se maglajskoj publici od jula do decembra mjeseca ponude vrhunski profesionalni kulturni sadržaji iz oblasti: pozorišta, filmske i likovne umjetnosti, književnosti, kao i pjesme, igre i sevdaha.</p> <p>Rezultati projekta: Kvalitetno zadovoljavanje duhovnih potreba kroz prezentaciju različitih kulturnih sadržaja. Raznolikost kulturnih dešavanja i obrazovanje građana na kulturno-umjetničkom planu.</p>
<p>PRIJEDLOZI I MJERE ZA POBOLJŠANJE UVJETA RADA JAVNE USTANOVE</p>	<p>Oblast kulture na nivou Kantona još nije uređena i definisana , ali napravljen je veliki korak usvajanjem Strategije kulturne politike Zeničko-dobojskog kantona za period 2014-2020.godina na skupštini ZDK 08. jula 2014.godine. Zakonska regulativa koja tretira ovu oblast na nivou države nije regulisala statuse ovakvih ustanova i stoga su mnoge danas pred stečajem ili su rad svele u minimalne okvire. U većini ovakih ustanova nagomilani su problemi nedostatka tehničke opreme koja je dotrajala ili uništena, kadra, zaostalih a neizmirenih obaveza, a samim tim i nemogućnosti realnijeg značajnijeg planiranja i ulaganja u projekte koji bi u sadašnje vrijeme davali značajnije rezultate, jer su sredstva uplaćivana za zaostale obaveze, koje su ponekad završavale i sudskim sporovima.</p> <p>Ono što bi se u narednom periodu trebalo riješiti jeste da se ova Ustanova postavi na nivo svih drugih ustanova na općini Maglaj.</p>
<p>DRUGI PODATCI ZNAČAJNI ZA JAVNU USTANOVU</p>	<p>Dom kulture „Edhem Mulabdić“ Maglaj je javna ustanova, čiji je osnivač općina Maglaj, koja organizuje programe namjenjene svim starosnim i socijalnim kategorijama stanovništva.</p> <p>Ustanova ima osam stalno zaposlenih radnika, ali tokom godine angažujemo u prosjeku 10 vanjskih saradnika .</p> <p>U sastavu Doma kulture su Sportska dvorana, Kino i Uzeirbegov konak u kojima se odvijaju registrovane djelatnosti Ustanove.</p> <p>Ustanova svake godine realizuje već tradicionalne manifestacije kao organizator ili suorganizator : Proljetni dani kulture, Gastrokulturni susreti "Maglaj fest", Dječiji festival "Malo ljeto", Ceremoniju svečanog otvaranja Studentskog ljeta i Međunarodni festival "Studentsko ljeto".</p> <p>Dobar dio programa u Domu kulture nastaje u saradnji i suorganizaciji sa našim partnerima iz javnog, civilnog i privatnog sektora u kulturi. Ustanova služi i kao svojevrsni servis koji svoje resurse stavlja na raspolaganje svim organizacijama i pojedincima koji žele da realizuje svoje programe.</p> <p>Uprkos svemu, ova Ustanova će nastaviti rad na afirmaciji Maglaja i njegovih vrijednosti kao i do sada.</p>



OVLAŠTENA OSOBA



Služba za boračko-invalidsku i socijalnu zaštitu,
opću upravu i društvene djelatnosti

MIŠLJENJE
O Izvještaju o radu u 2018. godini i Program rada
JU Dom kulture "Edhem Mulabdić" Maglaj za 2019. godinu

U Izvještaju o radu navedeni su svi značajni podaci o Ustanovi, detaljno opisani svi segmenti djelatnosti za koje je Ustanova osnovana i registrirana, uvjeti rada kao i problemi sa kojim se suočavala tokom rada. Detaljno su navedene sve realizirane aktivnosti a nabrojani su i opisani i svi projekti koje je Ustanova ostvarila u protekloj godini.

Na osnovu Izvještaja o radu može se zaključiti da je ova Ustanova u proteklom periodu radila sa određenim nedostatkom stručnog kadra obzirom da su dva ključna uposlenika (direktor i sekretar) tokom 2018.godine zbog zdravstvenih problema najvećim dijelom godine bili odsuti, tako da su se aktivnosti ove Javne ustanove svodili na rad lica koje je odrađivalo pripravnčki staž odnosno osobe koja je pored svojih redovnih zadataka i poslova na održavanju rada i funkcionisanja sportske dvorane obavljala i poslove V.D direktora javne ustanove, a uz pomoć ostalih uposlenih u javnoj ustanovi te vanjskih saradnika veoma uspješno je i u obimu većem od planiranog realizirala sve programske zadatke, uprkos problematici sa kojom se susretla zbog nedostatka adekvatnog kadra u radu i finansijskih problema.

U okviru svoje djelatnosti Dom kulture je uspješno realizirao niz kulturnih, edukativnih, i drugih sadržaja radeći u skladu sa Zakonom o ustanovama, važećim propisima, aktima Osnivača i Ustanove. Realizirani su i značajni projekti navedeni u Izvještaju o radu.

Dom kulture je realizirao brojne projekte u oblasti muzičke i likovne umjetnosti, programe edukacije građana, izložbe, kino i pozorišne predstave u okviru kojih je ostvarena i uspješna saradnja sa mladima, osnovnim i srednjim školama, nevladinim i drugim organizacijama, te dao poseban doprinos u obilježavanju značajnih datuma i događaja vezanih za naš grad.

U izvještaju je navedena dobra saradnja sa Upravnim odborom, njegova pomoć u radu i razmatranju svih važnih pitanja vezanih za Ustanovu.

Javna ustanova Dom kulture "Edhem Mulabdić" dostavila je i Program rada za 2019. godinu u kojem su realno navedene aktivnosti koje Ustanova planira realizirati u okviru svoje redovne djelatnosti u skladu sa kadrovskom strukturom zaposlenih, a jedan od zadataka je i imenovanje direktora javne ustanove, što će u velikoj mjeri olakšati rješavanje problematike u kojoj se našla ova javna ustanova. Pored tradicionalnih manifestacija ova Ustanova je planirala realizirati i druge projekte koji će upotpuniti kulturne i druge sadržaje značajne za našu općinu. Finansijska sredstva za realizaciju planiranih programa, Dom kulture će nastojati osigurati kroz projekte kandidovanjem prema općini, kantonalnim i federalnim nivoima vlasti i drugim institucijama i organizacijama.

Općina Maglaj će kao i do sada finansijski podržavati djelatnost Doma kulture u skladu sa sredstvima planiranim u Budžetu za 2019. godinu i njegovim izvršenjem i pomoći u realiziranju planiranih projekata.

Mišljenja smo da je Javna ustanova Dom kulture u protekloj godini, u postojećim uvjetima, izuzetno uspješno realizirala planirane djelatnosti, te da su Izvještaj o radu i Program rada Doma kulture u skladu sa Zakonom o javnim ustanovama i drugim propisima, realno i detaljno obuhvatili sve ostvarene sadržaje i planirane aktivnosti u skladu sa kadrovskom strukturom i mogućnostima Ustanove.

Savjetnik Načelnika općine
Za poslove boračko-invalidsku i socijalnu zaštitu,
poslove opće uprave i društvenih djelatnosti

Eldina Mehinagić